

高上神霄宗師受經式 卷九
上聖開圖明華散蕩真元經粹妙範流芳學
在浩劫赤明之初

元始之尊乘赤混太元靈積生之炁應化於
東方始青諸天與十方天真大神上聖高專
妙行真人無執數衆演說靈寶度人神霄衆
經並以授於

玉宸太上道君因命天真皇人并上清諸真
人總其元義開品分條共為六十卷以應六
甲之數皆以無量度人為首其經既成簡奏
虛皇遂使藏于紫微上官仍今付於

神霄玉清真王君秘於東極華堂瓊室之內
至於後劫方當下傳逮其炎宋興隆太平炁
至時際吉會神霄真王當降世間以為人主
遂舉其弟青華帝君代領神府之任真王受
天明命紹承丕祚統御九有協和萬邦顯彰
道化闡神元風政和壬辰之後青華時來密
會禁掖神明齊契天人相通所以告於期運
者焉於是真王飛神達變洞合紫清乃以神
霄瓊室所秘靈寶真經六十卷又以昔侍元

始同登靈羅觀覽三元靈光玉網之炁而成
高上神霄玉清秘錄三卷嘗於上皇年間詳
考於玉晨之手定格於紫微之房亦在神霄
歷劫禁重今並當出乃遺左右仙御仙吏將
其經錄著以人間之義易以世俗之迹置設

科式宣揚於志節之士若其得遇此道勤而
修之皆是夙簡元名形繪帝軒三華鍊骨五
輝內纏克保為壬辰受度之人學真之士萬
劫之中際遇此時是為難也可不勉之者哉
玉清虛皇元始天尊為祖師

○上清玉宸元皇道君為宗師

高上神霄玉清真王長生大君為真師

已上高上神霄大道三師

高上神霄太上洞玄靈寶度人經六十一卷

太上洞玄靈寶度人上品妙經清微金科上

品妙經萬餘玉律上品妙經大赤靈文上品

妙經玉宸大道上品妙經太一元精上品妙

經日精陽明上品妙經月華陰景上品妙經

離合五行化體上品妙經斷絕胎根閉塞死

戶上品妙經騰曜二景五星上品妙經扶桑

青陽上品妙經素景曜靈上品妙經五方正
炁上品妙經五行順治上品妙經天地八維
安鎮國祚上品妙經求延劫運保世昇平上
品妙經飛神召靈上品妙經降真召靈上品
妙經十方聖境上品妙經

明體貫炁品

九霄高玄上品妙經九宮仙籙上品妙經八

景神合上品妙經玉明運度上品妙經

赤符丹光品

紫光丹靈上品妙經碧落空歌上品妙經鍊

炁變仙上品妙經神變炁化上品妙經生化

胎根斷除邪穢上品妙經迴骸起死上品妙

經長生久視上品妙經三晨光曜保命延生

上品妙經降真延壽上品妙經保胎護命上

品妙經消穢國君玉侯世土上品妙經太一

神變五福護國攘兵上品妙經七星除妖上

品妙經神符除難上品妙經洞神攘災上品

妙經祈禳水旱上品妙經消除災疫保命延

年上品妙經除穢水火漂溺上品妙經解穢

山谷瘴癘上品妙經消除病癘跛疔上品妙

經顯瑞符應上品妙經陰陽化生上品妙經
 五行備足生靈壽域上品妙經安鎮九壘土
 妖不祥上品妙經祈求嗣續慶延門閭上品
 妙經蠲化水火災癘上品妙經玄明洞淵上
 品妙經南宮延生上品妙經比都除殃上品
 妙經斬穢不祥上品妙經斬滅五行邪怪上
 品妙經追度上世亡魂上品妙經解釋幽牢
 上品妙經濟度死魂上品妙經化尸受形上
 品妙經末斷輪轉上品妙經
 已上經題各有太上洞玄靈寶無量度人上
 品妙經字
 高上神霄靈寶度人經六十一卷並出於神
 霄東極華堂瓊室之中乃歷劫禁秘未傳經
 也得遇此道保已則登昇三境為人則却滅
 百病功德協著克度神霄後當獲補宰制治
 化之官矣世人受誦修奉如法即得福慶無
 量功驗之應各如本經所載者
 高上神霄玉清秘錄

法隨其學功各如本錄所言
 解註
 混元上德皇帝道德二經之義乃宋徽宗道
 君皇帝御製是也南華真經逍遙遊真義指
 歸乃宋徽宗道君皇帝御製是也
 補註
 李王德解靈寶度人經義真王君制序右解
 註真義高上神霄真王說五方天中好生不
 殺頌右出神霄東極華堂妙濟經科之中誦
 之解脫物命天枉之禍修好生不殺之功焉
 政和御製金錄中科儀右科儀為國修齋設
 醮祈禳福祐大洞招真通微妙章步虛玉清
 樂上清樂太清樂散花樂白鶴引右招真通
 微妙章受天命歌金闕始青步虛歌章高
 真道德步虛歌章尤道太微步虛歌章夏祭
 地祇降格出現記高上神霄真王長生大帝
 降生記上清玉書真符照驗諸記冬祀天真
 降臨示現品記右諸真記神霄紀聖秘錄乃
 述長生大君同青華帝君前後飛神臨降禁
 掖昭示靈化之事神霄玉府東西二臺掌治

諸仙卿祕傳右諸傳乃紀述諸仙卿修真得
 道掌領神霄職任之事右神霄內府所存三
 洞四輔有自古以傳者或多見於世間有歷
 劫未傳禁祕寶經一千二百卷分為六等一
 十二品列為上中下三卷藏于東西華堂自
 太平啓運壬辰庚子之後漸當降顯有得備
 上一經法者稱神霄王天洞景法師虛元統
 化真卿道成得為玉府上相上宰具伯之任
 有得備中一經法者當稱神霄洞化法師保
 度合明真卿道成得為東西二臺仙卿仙倅
 之任有得備下一經法者當稱神霄元化法
 師靈妙通元真卿道成得為東西二臺仙官
 長吏九宮真宰之任其法服玉清雲臺寶冠
 紫靈翠王之簪飛雲鸞鶴綠光之帔三十六
 條褐黃裳飛青之裙朱陽之履洞靈碧瑤之
 珪三炁交暉玉珮震耀消魔之劍長三尺六
 寸躡九炁之壇若三階之中或得上經中經
 下經卷帙未備或兼三洞在世一二經法當
 稱為神霄太平輔化弟子道成得為諸天仙
 真之任或亦補為神府散官仙吏之職但未

得專處高清玉天之貴不能必掌神符上司之權焉其法服素玉三華碧冠或三素元冠紫精水玉之簪素紫之帔三十六條碧縞黃裳綠青之裙黃華瑤簡朱履玉珮五炁丹精之劍長三尺二寸躡三光八緯之壇若有受其經法三階俱備道成則登三天高皇道君之位與諸聖齊倫者矣非拜表上章朝具閱錄行事其法服不可輒服靈官檢察墮道之功

高上神霄宗師受經式

太上洞神行道授度儀

宿啓法

向北方再拜長跪叩齒三十六通

具位小兆真人臣某謹上啓

九天太上道君太上丈人九老仙都大神九

炁丈人三皇真君八帝尊君玄都仙官太玄

真神三十六天靈司官君瓊璣玉衡七星搖

光君三台紫宮北極天尊天一太一君太微

玄神華蓋上靈二十八宿中外靈官五嶽八

山四瀆九源洞天陽臺神州仙府震水大澤

天后內宮九天九地无極世界一切衆神今

謹有辭讀辭云今謹因朝禮之次宿啓以聞

唯願諸神鑒臨管護獲災降福謹清齋潔已

期靈皇真懺謝罪過九祖以來惡根惡對願

得赦除愆讀解脫三官告下北帝削落赤簡

過度厄難尅保安寧荷福元元受帝之恩畢

叩頭三十九下又再拜

言功法

向北方再拜長跪叩齒六通

具位小兆真人臣某謹上啓

第十

九天太上道君太上丈人九老仙都大神九炁丈人三皇真君八帝尊君玄都仙官太玄真神三十六天靈司官瓊璣玉衡七星搖光君三台紫宮北極天尊天一太一君太微玄神華蓋上靈二十八宿中外靈官五嶽八山

四瀆九源洞天陽臺神州仙府震水大澤天

后內宮九天九地无極世界一切衆神謹為

甲乙某事行道所請衆神鑒臨齋所管衛勤

勞今既事畢願各還宮室隨功受賞謹因朝

禮奉辭以聞清齋潔已期靈皇真懺謝罪過

九祖以來惡根惡對願得赦除愆讀解脫三

官告下北帝削落赤簡過度厄難尅保安寧

荷福元元受帝之恩畢叩頭三十九下又再

拜

次燒香叩齒二十四通呪曰

香煙之女上白皇君小兆真人甲乙清齋絕

塵期靈五通上願成真滅禍生福上昇三人

次誦陽歌一首一周而出

清角陽歌梵 飄飄激十方 青青萬卉曜

撈我造九重 西絃抗音調 感悟東王公